

1- маусым Халықаралық балаларды қорғау күніне арналған жазғы сауықтыру сценаріі.

Тақырыбы: «Алақай жаз келді»

Арманы бір, үні бір
Аға ардақты, іні гүл
Бақыт туын көтерген
Балалардың күні бұл

Мақсаты: «Балаларды қорғау күні» туралы түсініктерін бекіту. Ойын - сауықта өлең айтып, би билеу арқылы белсенділіктерін арттыру. Балаларды өзін құрметтеуге, әлеуметтік мәнділік сезімін, жеке тұлға ретінде көрсете білуге тәрбиелеу.

Жүргізуші: Құрметті қонақтар, ата - аналар, қымбатты бүлдіршіндер мен сәбилер! 1 - маусым балаларды қорғау күні құтты болсын! Барлығыңызға ашық аспан, бейбіт өмір, сәбилерге бақытты балалық шақ, әрқашанда сыңғырлаған күлкі тілейміз.
Баршамызды бала тілімен баурайтын,
Бала деген бір бақыт қой самғайтын.
Ата - ананың арманы мен тілегін,
Бала емес пе?, бал бұлақтан жалғайтын.
Сүп - сүйкімді періштелер сендерсіңдер,
Қандай бейне өздеріңе тең келетін.
Данышпан да, ғарышкер де, ғалым да,
Ең алдымен балалықты меңгерген.

Жүргізуші: Жүздерінен мейірім мен нұр тамар
Алдарыңда жауқазындай құлпырған
Алаңсызда балғын шақты балалар
Құшақ жая қарсы аламыз сіздерді
Би: Би билеп, әнде бүгін шырқалар

Жүргізуші: Тамаша! Қандай көңілді ән десеңші! Сәбидің көкейінде бәрін білсем деген сұрақ әсте таусылған ба?!

Сайқымазақтардың келуі: Бұл не деген мереке? Нені тойлап жатырсыңдар?

Жүргізуші: Бүгін бізде, 1 - маусым балалар күніне арналған үлкен мерекелік шара өтіп жатыр. Бізбен бірге тойлағыларыңыз келсе, қалып тойлауға болады. Балалар, сайқымазақтарды қалдырамыз ба?

Балалар: Иә, қалдырамыз.

Сайқымазақтар: Қане, балалар онда сендермен бір көңіл көтеріп ойын ойнайық.

Ойынымыздың аты «Кім жылдам?»

Ойынның шарты: Үстел үстінде тұрған ыдыстағы суды түтікшемен ішіп тауысу. Ойынға әр топтан 5 бала қатысады.

Жүргізуші: Жарайсыңдар, балалар. Бәріңіз де епті екенсіңдер.

Өнері де өрілген,

Биіктерден көрінген

Бишілерді шақырсақ

Үнді биімен «Айгөлек» тобының тәрбиеленушісі. Қуанбаева Амина

Жүргізуші: Ортақ мекен жер шары,

Төбемізде бір аспан.

Барлық ұлттың баласы

Достығымыз жарасқан.

Күн мен Жаз қоннаққа келді.

-Саламатсыздарма балалар?

Жүргізуші: Бұл 1 - маусым балаларды қорғау күні мерекесі. Келіңіздер, бізбен бірге көңіл

көтеріңіздер.

Жаз: Здравствуйте, ребята. Я пришла вас поздравить. Я желаю вам крепкого здоровья и счастливого детства!

Жүргізуші: Олай болса, ойынымызды бастайық.

Ойынымыздың аты: «Кім мықты?»

Ойынның шарты: Алдымыздағы гүл мен доптарды екіге бөліп, екі себетке салайық.

Жүргізуші: Жарайсыңдар балалар, өте тамаша ойын болды.

Жүргізуші: Құрметті қонақтар, келесі кезек тағы әсем әнге беріледі.

Балабақшамыздың өнерлі бүлдіршінің орындауындағы әнді қабыл алыңыздар.

Жүргізуші: Жарайсыңдар, балалар.

Ән көмейден құйылды.

Қайғы бұлты шегінді.

Балалар мен дүние

Көрікті де, көңілді.

Құрметті қонақтар, қымбатты балалар! Бүгін естен кетпес керемет мерекелік шарамызды өткізіп отырмыз. Аспанымыз ашық, болашағымыз жарқын болсын. Осымен, «Алақай жаз келді» атты мерекелік іс - шарамыз аяқталды. Балалардың «Қызыл телпек» ертегісін тамашалауға шақырамыз.

Жаз да келді көңілді.

Келді гүл мен өрнекпен.

Ел бақыты мерейлі,

Балалары әндетті.

Гүлмен келсін келер күн.

Бала бағы бар елдің

Балалардың күлкісі

Көркі, сәні әлемнің





